

Exposiziun publica da recuors reguard la revisiun parziela da la planisaziun dal lö

In basa a l'artichel 48 al. 4 da la ledscha chantunela davart la planisaziun territoriela (LPTGR) ho lö l'exposiziun publica da recuors da la revisiun parziela da la planisaziun dal lö, decisa da la radunanza cumünela dals 26 avuost 2020.

Oget

- Revisiun parziela Davous Chesar, zonas da prievel e ledscha da fabrica
- Revisiun parziela zona da sport d'inviern

Actas d'exposiziun

- Revisiun parziela ledscha da fabrica art. 12, art. 13, art. 24, art. 24bis, art. 27, art. 38, art. 41
- Plan da zonas 1:1000 / 1:2000 Grischuns / Davous Chesar
- Revisiun parziela ledscha da fabrica art. 31 zona da sport d'inviern / loipa
- Plan da zonas e plan d'avertüra generel 1:2000 zona da sport d'inviern

Basa

- Rapport da cooperaziun e da planisaziun revisiun parziela Davous Chesar, zonas da prievel e ledscha da fabrica
- Rapport da cooperaziun e da planisaziun revisiun parziela zona da sport d'inviern e loipa

Temp d'exposiziun

24 settember 2020 fin als 26 october 2020 (30 dis)

Lö d'exposiziun / uras

chanzlia cumünela S-chanf (düraunt las uras da fnestrigl)

Recuors cunter la planisaziun

Persunas chi haun ün egen interess degn da gnir protet reguard la contestaziun da la planisaziun u chi sun legitimedas da fer quetaunt tenor dret federel u chantunel paun, infra 30 dis a partir dal di da publicaziun, inoltrer tar la Regenza in scrit ün recuors da planisaziun cunter la planisaziun dal lö.

Organisaziuns per la protecziun da l'ambiaint

Organisaziuns per la protecziun da l'ambiaint faun valair lur dret da recuors conuorm a l'artichel 104 al. 2 LPTGR, v.d. ellas annunzchan infra il temp da recuors tar l'uffizi chantunel per il svilup dal territori ed inoltreschan zieva eventuelmaing lur pusiziun.

S-chanf, ils 24 settember 2020

La suprastanza cumünela